



UNIVERSITÄTS-
BIBLIOTHEK
PADERBORN

**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

LXVI. De ostiariis Monasterii. Portæ Claustrali Senior cum Fratres sodali
Invigilet, suavis moribus atque gravis.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

1) *Id est, nè zelus aut invidia ad talem agendi modum inflammet seu incitet.*

24. APRIL. 24. AUG. 24. DECEMB.

CAPUT LXVI.

De ostiariis Monasterii.

Ad portam *a* Monasterii ponatur fenestrix sapiens, qui sciat accipere responsum *b* & reddere; & cujus maturitas *c* non sinat eum vagari. Qui portarius cellam debet habere juxta portam, ut venientes semper præsentem inveniunt, à quo responsum accipiant. Et mox ut *d* aliquis pulsaverit, aut pauper clamaverit, Deo gratias *e* respondeat, aut benedicat *f*, & cum omni mansuetudine timoris Dei *g* responsum reddat festinanter cum fervore charitatis. Qui portarius si indiget solatio *h*, juniorem *i* Fratrem accipiat *l*. Monasterium autem, si potest fieri, ita debet construi, ut omnia necessaria, id est, aqua, molendinum *m*, hortus, pistrinum *n*, vel artes diversæ intra Monasterium exercentur *o*, ut non
fit

fit necessitas Monachis vagandi foras; quia omnino non expedit animabus eorum p. Hanc autem Regulam volumus sæpius q in Congregatione legi r, nequis Fratrum de ignorantia se excuset s.

- a) Hinc colligit Hæstenns, non nisi unam esse debere, quod ¶ decreto Justiniani confirmat.
- b) Puta, de causis adventus.
- c) Ætatis videlicet ac morum.
- d) Id est, quamprimum, ut sæpius dictum.
- e) Formulam hanc Monachalem contra circumcellionum oblocutiones propugnat S. Aug. in Psalm. 132. Et Ep. 77. scribit, nec posse dici brevius, nec audiri lætius, nec intelligi grandius, nec agi consultius, quam Deo gratias.
- f) Id est juxta Boërium, bona verba dicat, vel bene venire jubeat. Juxta Smaragd. verò ¶ Turrecr. idem est, quod benedicite, vel ut habet Concordia, benedic; subintelligendo, respondeat. Melius putem accipi pro re nata, ita scil. ut ipse benedictionem det inferiori, à digniore verò petat.

g) Id

- g) *Id est, proveniente ex timore Dei, utpote qui factus in terris quasi agnus mansuetus, arguet in æquitate pro mansuetis terræ contra immansuetos.*
- h) *Seu socio adjuvante.*
- i) *Velut magis agilem magisque obsequentem.*
- l) *Non auctoritate propriâ, sed secundum dispositionem Abbatis, à cuius arbitrio juxta c. præced. tota pendet ordinatio Monasterii.*
- m) *Seu ædificium mola.*
- n) *Seu officina pistoria pro coquendis panibus.*
- o) *Verbum hoc relatum ad artes, sumitur propriè; ad præcedentia verò, impropriè pro habeantur.*
- p) *Juxta magni enim Antonii effatum, Monachi extra Monasterium sunt velut pisces extra aquam.*
- q) *Hinc ex praxi jam inde à Smaragdi temporibus ultra annos octingentos usitatâ quotidie legitur pars ejusdem.*
- r) *Et explicari, ubi videtur necessarium, ex Decreto Clementis V. Alcuino &c.*
- s) *Sicut*

Sicut enim Regula bonis ac devotis ad profectum quotidie legitur; sic tepidis, malis seu negligentibus, ut sint inexcusabiles, ad damnationis cumulum recitatur, ait Trithemius.

25. APRIL. 25. AUG. 25. DECEMB.

CAPUT LXVII.

De Fratibus in viam directis.

Dirigendi a Fratres in viam, omnium Fratrum vel Abbatis se orationi commendent *b*: & semper ad Orationem ultimam *c* Operis Dei, commemoratio omnium absentium fiat. Revertentes autem de viâ Fratres, ipso die quo redeunt, per omnes Canonicas Horas *d*, dum expletur Opus Dei, prostrati solo *e* Oratorii ab omnibus petant orationem propter excessus: ne quid fortè subripuerit *f* in viâ visûs aut auditûs malæ rei, aut otiosi *g* sermonis. Nec præsumat quisquam alii referre, quæcunque foris *h* Monasterium viderit aut audiêrit; quia